

ديوان زجل
كتبه قرد من القروود

قرود الفراعنه

القرود عند الفراعنه
يتعلموا منها الكتابه
و اسألوا قرد البابون
(ع) الحروف المستجابه

كان بابوني وكان جحوتي
مش مهم الاسم أيه
أبن رع ميزان لاهوتي
عدله كان شاهد عليه

عالجوا عين حورس (ف) حربه
و كانوا كُتَّابٌ للتاسوع
و القمر كانوا هُمَّا ربه
و كانوا معبود النجوع

هُمَّا من وَزَنَ القلوب
لما روح فارقت جسد
ون يكتبوا وزن الذنوب
ما يراجعهم فيه أحد

القرود عند الفراعنه
حاجه تانيه .. مش غلابه
اسألوا أشمون بتاعنا
عن تاريخهم (ف) الكتابه

القرود مش زي بعض

لأن القرود مش زي بعض

فيه قرد بلدي

بينهش .. بعض

و فيه قرد هندي

تحاوره .. يرد

و قرد بكاتينه

يطبل يصقف

و قرد استوائي

و عامل مثقف

و قرد و مصاحب

كلبه و سمينه

ف وسط المدينه

بيلاعبوا بعض

لأن القروء مش زي بعض

ساعات قرد بلدي يعمل مشقف

فيقلب لهندي

يطبل يصقف

و تحسّ إنه كلبه و سمينه

و عايزه القروء

يجولها المدينه

و يـ(يزقوا) فيها

فرد .. بفرد

لأن القروء مش زي بعض

ساعات قرد هندي يركّب كاتينه

فيخرس حواره

و يمشي في مسيره

يا فطه في إيدته
و صورته لسيدته
صاحب المسيره
و صاحب الكاتينه
و صاحب المدينه
بطولها و عرض

لأن القروء مش زي بعض
ساعات الاستوائى يحاضر في ندوه
و تبقى القروء قاعده و جالسه
ثقافه الحضور في قعدة قروءنا
ثقافه مجالسه
يطجن .. تصقف
يعجن .. ترفرف
يأرخ .. تطرمخ
يفسر .. تصرخ
و تخرج لشارع مدينه الملاهي

تردد كلامه بفخر و تباهي
تلاقي المدينة بكلاهما الأمينه
بتلعن (ف) داغه
و تحب فيه حب بشراسه
كام كلب باسه
كام كلب داسه
كام كلب يركب (يزُقه)
و لما يزُقه
يزُقه ف دماغه

لأن القروء مش زي بعض
لازم القروء تحس بمكانها
و تعيش زمانها
لا بلدي هيعرف لغة الهنود
و لا هندي يقدر يعدي الحدود
و لا عمر قرد الملاهي هيقدر
يقاتل يحارب في حضرة جنود

وإلا هتفضل كلاب المدينه
عاقله و رزبنه
بتزق فيهم على كل أرض
لأن القروء مش زي بعض

الدنيا سيرك

الدنيا سيرك و يا صاحبي
أنا قرد من قبل ما احبي
ع الطبل و الزمر برقص
و بكايا يشبه لضحكي

الدنيا سيرك و قرودها
بتموت لو اشتد عودها
ون يوم علي الجبل مالت
يرموها وجبه لأسودها

الدنيا سيرك و ماليها
قرود بتشحت ما ليها
قرداتي حاطط عليها
و عامل انه مواليها

الدنيا سيرك و بيانه
تحرسها عين ديدبانه
بره البيان مهما تنظر
متشوفشي غير اللي خانوا

الدنيا سيرك و هاودني
دنا ياما ضررتي و دني
قروده تشكي و تبكي
و لما اثور ما تساندني

قروود الغابه

قروود الغابه

متشبهشي لقروود السيرك

قرد السيرك دستوره

صباغ الموز

طوقه فى رقبته بيحبس الفكره

فميفكرش

و ما بيغضبش

و لو ركه ميتين أراجوز

أما القروء فى الخلا ..
فكبيرها تفكيرها
حاکمها خادمها
تغضب لأولها
تغضب لآخرها
حالتها حال قروء كثير غيرها
فى ربوع مواطنها
متمتعه بخيرها
و كبيرها تفكيرها

القرد و القرداتي

القرداتي يغلب عالم
القرداتي يغلب ساحر
أصل القرد (ف) إيد الساحر
ممکن يقلب
بيقي زرافه..
بيقي غزال..
فرد حمام جوه البرنيطه
أو أرنه ليها جوز و عيال

أما القرد مع القرداتي
بيفضل قرد
نفس الشكل
نفس الأكل
نفس ملامح - راسه - الحمرة
ارقص ..
يرقص وبنا الناس (ف) الساحة
اعجن ..
يعجن و لا أشطر فلاحه
اشتم ..
يلعن كل قرد الحاره
و يفضل قرد
قرد مسلسل
و عشان كده بيعيش و يكمل
و احنا كمان
أحنا و كل قرد العالم

لما بنهتف

نهتف .. يسقط

يسقط كل ولاد السحره

يسقط كل ولاد العُلما

و يحيا القرد مع القرداتي

يحيا القرد مع القرداتي

ليه القرداتي يربي كلاب

القرداتي مسلسل قرده
يعمل منه عجين فلاحه
يعمل منه حتي ساعاتي
القرداتي يأمر .. يرقص
القرداتي يأمر .. يرفس
القرداتي يغمز .. يخرس
غمزة عينه تشوفها يوماتي
مع زمجرة الكلب العاتي

و يفضل برضو القرد يهاتي
و ما بين طوقه و بين سلسلته
دايما يسرح
كده مع نفسه بيسأل نفسه
ليه القرداتي يربي كلاب؟!
يمكن نزوه؟!..
يمكن عزوه?!
بس الواضح
أن الكلب ينفع خالص
ينفع صاحب
ينفع حارس
ينفع .. فارس
جوه ختاقه ،
ساعة الغزوه،
فض مظاهره،
أو لو قرد يشاور نفسه
و يحلم يخرج من سلسلته

يومها الكلب هينح يجرح
يُقرم لحم القرد و جلده
و وسط جروحه
و وسط جنازته
يرجع تاني
القرداتي يسلسل قرده
و يفضل برضو
يربي كلاب

توك شو

أيوه انا قرد ..

لكن شمبانزي

طبعا قرد..

بس انا يمكن

أغلي شويه

أحلي شويه

و اجمل حاجه فى كل حكايتي

القرداتي ساينى براحتي

مش متسلسل

مش متهان

مش بتهدل بالمجان
و انا شمبانزي و أيه .. فنان

مشهور جدا

أشهر (م) القرداتي كمان
جوه الشاشه انا بلعب دور
لو هتشقلب .. أظهر شيك
لو هتهلب .. أبقى شريك
لو تتكلم .. خد حوارات
لو هنهاجم تبقي غارات
لو هتهني .. تبقي وليمه
تبقي معايا .. فرصه عظيمه
تدخل قلبي بدون داستور
تبقي معاهم ..

تنزل قيمه

و بكره هييجي عليك الدور

القرء ملهوش ف الءلع

القرء ملهوش (ف) الءلع
القرء ملهوش (ف) الشكاوي
و الحكاوي
و لا ضرب الوءع
له (ف) الوءع
له (ف) الشقا
من أول الحبل اللبي (ف) رقبته
كما المشنقه
لء طوق النار
اللبي ببعءه بوماءب
و لا ببأن .. مهما اءلسع

القرد ملهوش (ف) الدلع
له (ف) الجهاد
يومه كما كل العباد
بيعدي فوقه و يهرسه
من غير ما حد يحس بيه
ولا كلمه حلوه تحسسه
أنه جدع

القرد ملهوش (ف) الدلع
له فى المحن
له ف التفانى
يألفوا هما الأغاني
و هو يرقص (م) الألم
(م) الجوع بيان عضم البدن
و تشوفه تلقا حد تانى
ضاحك و سنه بيتسم

و فوق ملامحه بترسم
كل البدع

القرد ملهوش (ف) الدلع
له (ف) السواقي
مربوط (ك) تور الساقيه
(ف) الأرض الشراقي
يسقي الغيطان خُضره
يسقي البشر بسمات
(م) القوت ينول ندره
ون مات ..

يموت في سكات
ما يحس بيه غير قرد زبه
عايش على طعم الوجع
القرد ملهوش (ف) الدلع

القرد الأعمى

لازم تحزن
لما تعدي على الجبلايه
و تقعد جنب القرد الأعمى
عينه وسيعه
لكن .. أعمى
كل قرود الكون حواليه
و مش بيشوفهم
مش بيشوف ..
عيل حافي و علبه كولا
شاب و شايب..
عايش عمره ضياع و مذلّه

و لا ييشوف

زنقة ست (ف) زحمة باص

شاب بيهتف

يسكن قلبه طلق رصاص

بنت بتشحت (ف) الإشارات

أب (ف) يومه ثلاث صنعات

علشان أبنه يخش الجامعه

.....

مش ييشوفهم

رغم الضي (ف) عينه ييلمع

رغم عينه بتشوف و بيسمع

لا بيتفرج على أحزانهم

و لا بترغرغ عينه بدمعه

لازم تحزن

لما تشوف القرد الأعمي

مش ييشوف غير القرداتي

شكله و رسمه
هيئته و كسمه
و عطفه الدائم
على نسانيس و قرود القلعه
اللي بطول اليوم بتهاتي
مش بيشوف
غير القرداتي
و لما بيصحي و لما ينام
و مهما تمر عليه الايام
قاعد بيغنيه يوماتي
حتي و كل قرود الحته
بيشّفوها
جته بجته
و يرموا عضامها بره القلعه

لازم تحزن
لما تشوف القرد الأعمي

النسائس

القراداتي مش بيخاف
غير من النسائس
علشان كلمة خوف في قاموسهم
ملهاش معني
علشان عايشه
و علشان صابره
و وسط رصاصه و صوت خرطوشه
مش بتحوشه
لأ بتقابله بكلمه و مغنا

النسانيس جوه الجبلايه
ماسكه مرايا
بتشوف فيها قرود الغابه
لسا بتشقي
لسا غلابه
و القرداتي بحبل و فلكه
بيرقصهم
و ينغصهم
و يكري عليهم كلب السكه
و النسانيس نسانيس مش سكه
تزرق الكلب تشد في ديله
و تجري و يجري
تهد في حيله
و تهتف وسط سياط كراجيه
الكراج مش هيوقفنا
و لا بيوجعنا

القرداتي

مش بيخاف غير من النسائيس

علشان كده بيحاييل فيهم

أو يخطفهم من أهاليهم

أو يرميهم (ف) الجبلايه

بيقوا عبيد

أو حتى سبايا

و النسائيس مش زي قرودها

مش بتخاف من كل أسودها

ولا بتصدق كل وعودها

ولا يفرحها الموز و سوداني

علشان كده بتعود من تاني

تتغز قلب اليوم بغناها

تخلق فكره و تنباها

و تزرع ورد علي المتاريس

علشان كده تلقا القرداتي

مش بيخاف غير من النسائيس

ذاكرتها ميح

القرود ذاكرتها ميح
و عشان كده مبتفتكرش
أصل قلعه أو ضريح
و لاَّ فرد كبير بكرش

فرد يسرقها يوماتي
تشهد أنه أكيد حرامي
تاني يوم يرجع ذواتي
أو مُغني أو ألاتي

يبقى باشا و يبقى بيه
و كله يشهد للجنيه
و يصبح القرد بجاحه
قرد مارد (م) العتاوله
يسرق الأهرام و نيل
و القروود بعد المحاوله
يمجدّوا أسمه النيل
و اللي زيه ما يتحاسبش
و القروود ذاكرتها ميح
و عشان كده مبتفتكرش

قرد تاني يقوم له قومه
يجروا (ع) الكتف يشيلوه
يبقى مارد أو غوربلا
ع الحيطان يستنسخوه
يعجن السم (ف) طعامهم
يأكلوا منه و يحمدوه

يحبس الكلمه (ف) حلوقهم

(ف) الأغانى يمجدوه

و اما يرحل عن سماهم

يلعنوا داغ داغ أبوه

دوره راحت دوره جايه

و اللي فات ما بيتحسبش

و القروود ذاكرتها ميح

و عشان كده مبتغتكروش

القروذ مش درجة أولي

القروذ مش درجة أولي
القروذ دول (ف) السبنسه
يفركوا طول النهار
و الحواه و لاهي حاسه
يشحتوا درهم ، دولار
و الحواه ولاد الأبالسه
يسهروا (ف) صالة قمار
يسكروا ..
و احنا اللي تنسا

القرود لو يطلقوها
تهجر الجبلايه وش
من غبا ميتين أبوها
(ع) اللي فات ما بتحاسبش
تتطلق في كل وادي
فاكره روحها (ف) البوادي
راح تلاقى العيشه جنه
تلقى طوقها لسا فيها
و تلاقيا
من ورا القضبان تنادي
أن عيشة القرد سنه
و القرود ملهومش جنه
ون جنه
أي جنه
أصلها دي درجه أولي
و القرود دول (ف) السينسه

القرود جوه القفص

القرود جوه القفص
حرّه اكثر (م) الطليقه
كل قرد فيها اتحبس
تهمته أحلام جريئه
انظروا وشوش الحرس
تعرفوا كل الحقيقه
دي القرود جوه القفص
(م) الغباوه مش بريئه

القرود جوه القفص
أد أيه كانت عيبته
فاكره قرد بألف حلم
راح يغيّر (ف) البسيطه
ون بكره الشمس تشرق
صافيه واضحه مش حويطه
تفتكر دم اللي راحوا
يرسموا الأحلام خريطه
القرود جوه القفص
أد أيه كانت عيبته

القرود جوه القفص
قاعده تتفرج علينا
و القرود ماليه الشوارع
من قُراها و للمدينه
قرد سيرك و معجباني

و قرد طوقه (ف) إيد زباني
قرد يومه طقه واحده
و قرد يأكل قرد تاني

و القروود جوه الشوارع
الهوا بيحسب نفسها
(ف) الخانات الأسم فاضي
(ف) الخانات التهمه جاهزه
ياما عاش القرد يحلم
و أد أيه الأحلام رخيصة
أد أيه قروود الشوارع
(ف) الحواري قروود حيبسه
و القروود جوه القفص
حره اكثر (م) الطليقه

قروود المدارس

القروود جوه المدارس
مهرجان و لاحد حاسس
و المٌعلم حاجه تكسف
ما في قرد لحاله ينصف
مسئولينهم حالها يقرف
القروود جوه المدارس

قرد يرقص فوق كتابه
و الغناوي هوء موء

و الصحاب فاتحين سحابه
و كله ف الاستاذ يزق
و القروء (ف) المسئوليه
الطريقه هي هي
عامله طارشه و مستحيه
(م) القروء جوه المدارس

قرد يجري يجيب أبوه
بالسج وبأ المطاوي
المدرس يضربوه
و القضيه مستكاوي
و القروء (ف) المسئوليه
(ع) الكراسي متكيه
يقفلوا ملف القضيه
(ع) القروء جوه المدارس

القروء جوه المدارس

بالقانون ما بتغلبش
مهما بلطج مهما مارس
مهما يهرب أو يغش
و القروء (ف) المسئوليه
عامله أم المفهوميه
قالوا أبله مفتريه
ع القروء جوه المدارس

مجلس القروء

الجبلايه فتحت بابها
ألحق قدم و احجز دور
يمكن تصبح من نوابها
و اوعاك تسقط (ف) المحظور

يللا اترقي و ابقى بابوني
و احجز كرسي (ف) البلكون
أه يا قروء لو تتخبوني
راح اخليكو الموز بمبون

خلي شعارك يبقي قُرب
قرد بيوسك خد لك سيلفي
قرد يعضك خليك طيب
و اضرب أمه في شارع خلفي

وزع موز و بلاش الزيت
علشان تهرب (م) التأويل
و ارسوم كعبه (ف) باب البيت
و اعمل ليله غنا و مواويل

و اعزم كل قرود الحاره
قرد مسلسل ، قرد شاشات
قرد بيرقص و يا الجاره
و قرد يالف أغنيات

كده اضمنك (ف) الجبلايه
تصبح قرد .. قرد بجد

تخطب ، تنصب ، تبقي حمايه
و تبقي يا فرد ما قدك حد

باريكان

القرود اللي (ف) حارتا
مش بتشرب باريكان
شجره واحده (ف) جنيتنا
هي شجرة سنديان
مش بتطرح جاز وقار
و اما تطرح يبقي عار
بيجي قرد براس حمار
يهدي خيرها للجيران

القرود اللي (ف) حارتنا
مش بتشرب باريكان
ولو هتشرب بيبقي مُر
مُر عيشه و مُر ذلّه
من دي عيشه مفيش مفر
مهما كُنت و أي ملّه

و ف حارتنا..

القرود مش لاقيه تاكل
و الجنينه مهيش فقيره
مهما قلنا فيه مشاكل
يلعنوا أم الجزيره

و القرود اللي (ف) حارتنا
الغباوه منها فيها
يوم ما تختار بإرادتها

من خبيتها
أغبي قرد بيشتريها
ف الجنينه يعيش نايبها
نايه يبقى يادوب نايبها
و الله تستاهل نايبها
ده الغبا حاطط عليها
و أذكا واحد .. بغبغان

القرود اللي (ف) حارتنا
مش بتشرب باربيكان
مش بكيفها أو مزاجها
بس مشغوله بسواكها
و بإمام لابس عمامه
لسا بيقول القيامه
راح تقوم أه و العلامه
هي قرد و له سنان

قرد بیفکر بعقله
قرد مش فارق آیه شکله
قرد آمن أنه عابد
یذکر الله (ف) المساجد
بینی للأفکار معابد
مش بینی أله و یاکله
عجوه کان أو برتقان

القروود الی (ف) حارتنا
مش بتشرب باریکان

سور الجبلايه

القرداتي بيني السور
و الجبلايه ما تظمنش
أصل قرودها لو هتثور
الأسوار ما بتستحملش

علم كل قرود الساحة
ترقص بلدي و تحكي أباحه
و اوعاك تركن يوم للراحه
أصل قرودها ما بتصهينش

و النسانيس لابدين (ع) الشجره
تحذف طوبه يردو بعشره
نسانيس بجحه و شابه و حشره
تستعبطها .. متستعبطش

و النسانيس غنوا الغنوايه
أبني و علي السور بشقايا
سورك عمره ما كان جوايا
و مهما ضعفنا .. ماتستضعفش

الشمبانزي في شرم الشيخ

الشمبانزي (ف) التوك شو

قرر يعمل كام تاتو

يطلع بيهم شرم الشيخ

و يناضل زي اللي جابوه

هبجارب بكباب (ع) السيخ

و سفاري وبا البطاريخ

و يكلم أهل المريخ

عن حربيه ضد اللي خانوه

شمانزي بيعمل حركات
في القعه وسط القمرات
و الساعه بتعمل دولارات
يتحتوا (ف) جيه يدقوه

و القرد اللي (ف) كفر التوت
بيعاني أمرين (ف) سكوت
لساه من جرجا (ل) مربوط
شقيان بقروش ما يكفوه

القرد اللي (ف) يومه ذليل
شمانزي بيعمله غسيل
فيشوف الترعه كما النيل
و لا يعرف على فين ودوه

يا قروود لساها على ديلها
ما تجف دموعها (ف) مناديلها

شمانزي بيٲفي قنابيها

و يغمي نهارها فتوه

مهاش (ف) الشرم و سهراته

ولا (ف) الشمانزي و حرکاته

بتعيش و تموت زي ما ماتوا

كل اللي بنوها .. و بنوه

ميمون

ميمون مش قرد عادي

ميمون قرد الحواه

و الحاوي واد مخاوي

يعرف يعفا غناوي

و يرقص كل غاوي

و ميمون يرقص معاه

ميمون لابس جاكته

يلف الدنيا بيها

عارفها حته حته

مين باعها و مين شاريها

بس الرق و صاجات
ياما عملوا معجزات
ميمون مش م الذوات
ميمون قرد الحفاه

ميمون و الليل صحاب
و عجين الفلاحات
و الحاوي ف الجراب
شايل ياما حكايات
عن تور أصبح نعامه
و قرود لبست بيجامه
و أسود صبحت علامه
للسائل أو سواه

ميمون ابن القروود
لكن مش قرد عادي
غضبان و ساعات جحود

أو عضو (ف) أي نادي

بس اللي منه فايده

إنه للحاوي فايده

و طالما قرودها رايده

تبقى قرودها الجناه

ميمون مش قرد عادي

ميمون قرد الحواه

كل قرد و له حكايه

وسط جبلاية القرود
كل قرد و له حكايه
قرد بيخُط الحدود
قرد يرفع (ف) القضايا
و القرود هي القرود
مهما لعبوا (ف) المرايه

وسط جبلاية القرود
كل قرد و له مكانه
قرد باشا من الذوات
كعب نعله فوق قفانا

و قرد عايش (ع) الفئات
يقضي عمره (ف) عريخانه

و الجنينه الواسعه حبه
فيها من ده و فيها من ده
قاموا عملوا فيها قبه
جوه منها عملوا قاعده
و القروود القاعده فيها
لابسه بدله و لابسه حبه
بص (ف) وشوشها تلاقياها
حاوي فاشل نص ليه

وسط جبلاية القروود
القروود (ف) الركب سايره
يوعدوها بموز و توت
تصحى تلقي الأرض بايره
و القروود المستبده

ف الجنينه تصب بيره
و القروء المستمه
قوتها من غض البصيره
(ف) المنام تحلم بشده
و بالنهار متجيش سيره
و الحكايه هي هي
م البدايه للنهايه
وسط جبلاية القروء
كل قرد و له حكايه

البيع

القرود يلزمها ببيع
مره ببيع فى الجراب
مره ببيع للخراب
مره ببيع الانسحاب
كل مره و كل يوم
ف الجنينه تلاقي ببيع

و القروذ وارثه الخياه
لو قالولها الورذ بعبع
تتهشه زي الدياته
لو قالولها الشمس بعبع
تستخبا (ف) أي غابه
لو قالولها القرش بعبع
تدعي فقر الغلابه

و كل بعبع في الحكايه
اختراع قرداتي عُقر
لاجل ما يعلي الجبايه
و القروذ تسجد له شكر
مهما يكذب مهما ينخع
القروذ يلزمها بعبع

قرده تتايه

كل مصيبه (ف) الجبلايه
تلقى وراها قرده تتايه
قرده تحرض جوزها يورث
يورث غيره كل ماليه
قرده تشجع جوزها يحرص
تترباله قرون (ف) عينيه
ون تعاتبها تبقي حكايه

تصرخ تزعق ده احنا ولايا
و كل مصيبه (ف) الجبلايه
تلقى وراها قرده تتايه

قرد يغازل
تبقي مهازل
ترقص (ف) الحاره و (ف) ميدان
قرد يغني
تلعن فني

و تقول عمري ما شفت حنان
و تحلف أن العمر اهو ضاع
(ف) الحرمان و يا الأوجاع
و لا يوم شافت سعد معايا
و كل مصيبه فى الجبلايه
تلقى وراها قرده تتايه

أصله قرد

كل كلب أصله قرد

بس ضحكوا عليه ياباشا

شربوه ميه بماورد

لبسوه بدلة عكاشه

علقوله الصوره فوق

كل براوبز الصور

علموه إزاي يدوق

دمع عين اللي انكسر
في المرايه يشوف أمير
ف المرايه يشوف قمر
و (ف) الحواري هات عليه
في القروود أو (ف) البشر
هو ده داء الكلاب
داء وباء مهما اتتشر
القروود تفضل قروود
و الكلاب صابها النجاسه
كل كلب أصله قرد
بس ضحكوا عليه ياباشا

و الكلاب بالكذب حاسه
إنها أحسن فصيله
و انها وسط القروود
هي أسياد القبيله
و القروود منهم تقاسي

طول ما نبج الكلب عالي
بس لما تزول كراسي
و القروود بالصوت تلامي
ف الجنينه بعقل راسي
قردها يركب كلابها
مهما هز و جز ديله
مهما غير (ف) القماشه
كل كلب أصله قرد
بس ضحكوا عليه ياباشا

أنا القرد

أنا القرد اللي متعود
ما يكذبتش علي الناس
عشان ينسوا عدد من مات
في الميدان أو في الهاويس

أنا القرد و القرداتي مش حاسس

بأني خلاص

بيبع الحلم بالمكرونة و السكر

بصوم اليوم و لما أفطر

ألاقي الحلم زي الرز .. متكسر

و لما بسأل الغابه

و جبلايه ..

كل قرودها كدابه

يقولوا أنت اللي متغير

يجوز الحلم جه بدري

أو أنت جيتله متأخر

حلقة الحاوي

في الحلقة حاوي
و الغناوي لمت المقاطيع
و غزبه و الكل غاوي
و الميدان بيسيع
القرد أصل الحكايه
و الحواه جرابيع

شاييلين فى جوف الجراب
جزره و عصايا
و حكايات للبيع
و القرد قاعد يطبل
ع الرق و صاجاته
و الحاوي من تحت باطه
خرج التعابين

يا قرد ايه أجبرك
فى حلقة الحاوي
تعجن كفلاحه
و تنام كما العازب
و تغنى بأباحه
و انت اللي بتحاسب
ع الحلم بالسحتوت
تشقى فى لم النقوط
و فى آخر السهره

الحاوي يقفل عليك
الحاره و الزنازين

يا قرد يا ميمون
أوعا تقوللي بريء
أنت اللي يوم ما صحيت
على غيار الربق
أمنت بالحاوي
بينني لك المحرقه
وانت اللي بتتاوله
من العلبه عود كبريت

الموز خلاص

الموز خلاص
و القرد لسا بيقرأ فى الجرنان
تحت العناوين القديمه
بيلتقى بالحلم
جبلايه خضرا و غضة الأفنان
فى عينيه بتساوي البلاده
و السعاده

و دمعة الأحران
ماعدش بيحس الوجع
من جوع
ولا ضرب بالخرزان

* الموز خلص يا قرد
- بكره الفرج هيهل
* الموز خلص يا قرد
- تعالي اقعد (ف) الضل
* الموز خلص يا قرد
- روح عن دماغى و حل
الموز كثير و انت
مالك كده عميان !

ما عدش فى الجبلایه
قروود و فیها الروح
لا حاسه بالعیشه

و لا بطلوع الروح
قرود أصابها اليأس
فى الرؤبه و ف مقتل
ما بقاش يفيد تسأل
عن الشجر و الموز
الموز خلص يا قرد
و القرد ف التوهان

قرد و راح

نوبت أقفلها بالضبه و بالمفتاح
و اسك الباب على قرودها
و حاويها و نمرودها
و اسلسل بابها بالجنزير
و اكتب جمله بالطباشير
علي حيطانها اللي دبلايه
كانها سور لجبانه

و فيها قرود مهيش جارحه
تعد العمر (ع) السبحه
لا يوم عايشاه يفرحها
ولا موتها يربحها
عشان الموت مهوش اكثر
غير ان الاسم يتغير
بدال القرد
قرد و راح
نوبت أقفلها بالضبه و بالمفتاح